



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm XIV. Pastoralis.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

Theol. moral. tract. 5. p. 2. c. 2. effectu 8. &
cap. 4. n. 4.

CAPITVLVM XIV.

Pastoralis.

PARAPHRASIS.

Si duo rescripta super eadem causâ ad diuersos iudices à Sede Apostolica peruerterint, & dubitetur, an prius per posterius reuocetur; tum si vna pars iudicium delegatorum alteri deferre velit, ut cognoscatur, ad quos iurisdictio pertineat, illi soli, quibus defertur hoc dubium, dirimant, antequam de causa principali cognoscatur. Quod si neutra pars iudicium alteri deferre velit, tunc simul utriusque, inscriptis rescriptis eorumque datis, definiunt, utri parti potius iurisdictio competere debeat. Quod si inter se non consentiant, hoc casu (tametsi plures sint iudices ex vna parte delegati, quam ex altera parte) communi partium litigantium consensu arbitri eligendi sunt, qui controuersiam hanc definiant, videlicet ad priorēne, an ad posteriores iudices cognitio pertineat.

SUMMARIUM.

1. Index ordinarius & delegatus cognoscere potest, utrum sua sit iurisdictio; & quidem si delegatus sit unus, solus cognoscet; sin plures, & non concordent, ad arbitrios recurrentem est.
2. Si iudex bona fide & probabiliter prouinciet, se competentem esse, & ab hac sententia interlocutoria non appelletur, processus & sententia in causa principali valebit; licet postea innocentiat, ab initio vere competentem non fuisse.
3. Secus tamen est, si iudicis iurisdictio fundata non sit; non enim in causa principali procedere potest iudex, nisi certus sit de iurisdictione sua.
4. Ex duplice titulo potest iudicis iuris-

dictio non esse fundata: primò, si nullitas sit ex parte rescripti, seu commissio praenta. Secundo, si commissio sit à Superiore in causa ad iurisdictionem ac potestatem eius non pertinente.

5. Error, quantumvis probabilis, iurisdictionem conferre non potest, si commissio non facta est ab habente potestatem.
6. Iudicis procedere volenti obiectus defensus incompetencia, si sit talis, quem lex aut Superior, cui index ille est subiectus, supplere non possit, facit, ut in dubio nequeat de hac exceptione cognoscere, & indicare.
7. Secundum est, si defectus sit, qui suppleri à lege, aut predicto Superiore queat.
8. Si inter iudices per diuersa rescripta super eodem negotio delegatos controversia orta componi non possit, utra pars cognoscere debeat, nec pars vna alteri deferre velit; per arbitrios ab utraque parte electos causa decidenda erit.
9. Si causa communi consensu diuarum diuersarum parvium (collegiorum seu corporum) decidenda sit, debet utrobiusque maior pars consentire.

NO T A N D V M I. Non tantum Index ordinarius, exorto dubio, num ad ipsum pertineat iudicare, cognoscere potest, num sua sit iurisdictio, sed si quis ex aliena, s. ff. de Iudicij, l. 2. ff. si quis in ius vocatus &c. sed etiam delegatus. Ita sumitur ex hoc c. & notat Abb. n. 1. Felin. in c. super literis c. 18. 23. & seqq.

Sunt autem aliquæ adhibenda declaratio[n]es: Prima est, Si vnicus iudex delegatus sit, ipse solus orto dubio cognoscet: Sin autem plures, seu uno, seu diuersis rescriptis, delegati sint, conuenire simul debent, ac dubium discutere: sin autem consentire non possint, arbitrios eligere, sicuti iterum dicam in 2. not.

Altera declaratio. Si iudex, ordinarius aut delegatus, orto dubio de iurisdictione sua in certa causa, bona fide ac probabilitate

biliter pronunciet, se competentem esse: atque à sententia hac interlocutoria non appelletur, processus & sententia in causa principali valebit: esto postea comperiat, ab initio verè competentem non fuisse, vt hic ex communi docet Anton. 3. & 9. latè Felin. cit. c. super literis fermè toto. Ratio dari debet; quia hæc est mens ac voluntas committentis iurisdictionem, vt orto dubio num **Iudex** in causa aliqua cognoscere posset, ad ipsum pertineat determinare; & secundum id procedere: Ideoque habemus hic alium casum, in quo *error probabilis instruit*.

3 Quamobrem rectè ex communi doctrina in suprà cit. c. super literis n. 29. 30. notat Felin. Secùs dicendum esse, si iudicis iurisdictione fundata non sit, siue, vt clariùs dicam, si iurisdictione eius per pronunciacionem eam, competentem se esse, fundari non possit. Etenim iudex in causa principali procedere nunquam potest, nisi certus sit de iurisdictione sua, prout etiam docuit Steph. Auffreius in capell. Tholalanæ quest. 479. n. 3. cùm neque tutor administrare posset, nisi certus sit se tutorum esse l. quæro 3. in fine. ff. de eo qui pro tutori &c.

Accidit verò id, quod dixi, vt Iudicis iurisdictione fundari non possit, duobus modis;

4 Primo, si nullitas sit ex parte rescripti, seu commissionis prætentæ; quia suppedititia est, aut rescriptum falsum. Etsi enim tunc Index, quamvis ex causa verisimili, arbitretur ac pronunciet ius cognoscendi se habere, irritum erit quidquid agitur; ob defectu commissionis, & acceptæ iurisdictionis. Distinguendum itaque, monet ibidem Felinus, inter literas falsas, & obreptitias: illæ nullam dant iurisdictionem: haec verò dant tam super principali, quam super dubio iurisdictionis; & sententia ex eis lata transit in rem indicatam. Secundo, si commissio facta sit à Superiori in causa ad iurisdictionem ac potestatem eius non pertinente, vt habetur in l. 2. C. si à non competente iudice &c. Tametsi enim in hoc casu, si dubius sit, iudex delegatus, cognoscere possit, num ipse ex vi eius commissionis procedere liceat, vt vult Baldus in ead. l. 2. n. 2. Felin. n. 36.

Si, tamen cognoscendo ac pronunciando se iudicem esse, erret, quia reverà, vt ponimus, Superior causam, extra iurisdictionis limites existentem, committere non potuit, acta à iudice delegato irrita profliguntur.

Exemplum habemus, si Princeps secularis causam, quæ verè ecclesiastica & extra forum suum est, committat cognoscendam alteri; isque ob auctoritatem committentis, alias ratiōnes, pronunciet competentem se esse, poterit quidem, si bonâ fide procedat, excusari à culpa; sed acta eius irrita erunt, ob iurisdictionis defectum; quippe quam error, quantumvis probabilis, conferre non potest, si commissio non facta ab habente potestatem, prout docere solent Doctores in l. Barbarius, ff. de off. Prætor. & dixi aliquid in Theol. moral. lib. 1. tr. 4. c. 22. n. 9.

Eadémque omnino ratione dicere id cogimur de iudice ordinario, si causa ad ipsum delata sit, de qua dubium est, num fori sui secularis sit, an verò ecclesiastici; ipse verò pronunciet, ecclesiasticam non esse, cùm reverà sit, atque talēm esse postea intelligatur, acta eius Iudicis & sententianam latam, irritam esse; quia à non Iudice, seu cuius iurisdictione fundata non erat, profligaverunt, sicuti mox amplius dicetur.

Tertia enim in not. 1. traditæ regulæ declaratio est: Si iudici, siue ordinario siue delegato, procedere volenti obiciatur defectus incompetentiæ, distinguendum; verò defectus sit ex rei natura, siue talis, quem lex aut Superior, cui iudex ille subiectus est, supplere non possit; an verò defectus sit, quem lex aut Superior supplere queat. In priore casu, si v. g. obiciatur esse amentem, non potest in dubio de hac exceptione cognoscere: quia iurisdictione eius sicuri super principali fundata non est, ita nec super accessorio isto seu incidente, prout pluribus allegatis docet Felinus in eod. c. super literis n. 23.

Præterea si Iudici seculari in causa procedere volenti pars obiciatur, quod sit ecclesiastica, ad ipsius proinde cognitionem, iurisdictionemque non pertinens; Aut, si catus ad Iudicem

Judicem secularem, excipiat se clericum esse, iurisdictioni eius in hac causâ nō subiectum stante dubio de exceptione ista, Iudex secularis cognoscere ac pronunciare non potest, saltem efficaciter, vt eius iurisdictio per pronunciationem, si non appellatur, fundatum ac vires acquirat; prout in hoc ipso casu docet Glos. in c. si Iudex 12. de sent. exco. in 6. quod de re ecclesiastica & spirituali nec principaliter, nec incidenter habet secularis index se intromittere, iuxta tuam 3. de ord. cognitionis, c. lator 5. c. p. venerabilem 13. Qui filij sint legitimi: sed, vt ait Gl. margin. ibi, Felin. hic n. 4. In dubio isto ecclesiasticus est index, tanguam maior. Eleganter Anton. de Butrio in cit. e. super literis n. 40. & in c. si diligenti 12. na. 14. de foro compet. vbi ait: Proper dubium etiam cause deferentis causam ad indicem secularem, quamquam cognoscere possit an sit index, non per hoc tamen subicitur clericus iudicis secularis, quoad principalem causam. Et paucis interiectis: Per qua pater, regulam illam. I. si quis ex aliena f. de iudicii, (quod iudex in dubio cognoscere possit, num sua sit iurisdictio, & ita eam fundare ac stabilire) procedere, quando index quis non est, esse tamen potest, saltem in hoc & per hoc dum cognoscit, an sit index: vbi autem iudex non est, nec esse potest, dubium non facit eum iudicem: nec tunc pronunciatio, per quam se iudicem pronunciaret, faceres eum iudicem: quia sententia impossibilis nihil prodest. Quam ipsam doctrinam commendat & sequitur Felin. in cit. n. 23. Et Decius in c. cum ordinem, in fine, hoc tit. Si index esset omnino incapax, prout est index secularis contra clericum, tali causa licet pronunciari se comperentem, sententia nihil valet, vt notat Abb. c. si diligenti, col. fin. de foro compet.

7 In posteriore autem casu, locum habet regulâ ea, quam paulò antè cum Ant. de Butrio produxi, quod Iudex in dubio cognoscere possit de iurisdictione sua, eamque asserendo, etiam super causa principali stabilire. Sed declarandum & limitandum primò: Si qualitas fundans iurisdictionem Iudicis ordinarij aut delegati, extrinseca sive accessoria sit,

quia cognoscere non potest de causa, nisi existente tali qualitate, tunc ante omnia, saltem extra judicialiter, informare se debet circa eam qualitatem, si de ea dubitetur: Tum vero, si in partem affirmatiuam determinauerit, fundata erit iurisdictio eius, etiam quoad causam principalem, tametsi ponamus, qualitatem verè non inesse: quando versamur in casu, vbi lex aut superior supplere potest defectum. Exemplum habes in c. 1. & c. vlt. de off. delegati in 6. vbi Conservatoribus iudicibus committitur, vt de iniuriis, ac violentiis manifestis cognoscant: ad alia vero iudiciale cognitionem non extendant. Hoc ipso vero eis conceditur, vt preparatoriè cognoscere, & informare se possint, num iniuria manifesta sit, siue talis, vt ad examen suum iudiciale pertinet, prout Felin. monet in cit. c. super literis n. 20. arg. c. 1. & c. præterea 5. de off. delegati: Quia qui coacedit principale, concedit etiam accessoria, & preparatoria, sine quibus principale expediri non potest. Aliud exemplum est in c. accusatus 8. §. s. anet. de hæret. in 6. vbi decernitur, vt Inquisitores Fidei non se intromittant in cognitionem de criminis diuinationis, aut sortilegij, nisi hæresin sapiat manifestè; vbi videri potest Gl. ver. manifestè, Dominic. de S. Geminiano in c. 1. §. contrahentes, vers. sed quid, ibid. Francus n. 5. de foro compet. Felin. cit. n. 20. Bartolus in l. præscriptione n. 7. & 8. C. si contra ius vel utile, publicam.

Limitandum est secundò: Si non de nudo iurisdictionis exercitio agatur, quippe quod onus potius esse censetur, quam honor aut commodum, eti fortasse modicum quid commodi, v. g. portulas, adiunctum habeat, sed agatur vel de statu & existimatione personæ Iudicis: vt si ei obiiciatur iuris infamia, aut contracta seruitus, adeoque de non modo commodo, quod ex iurisdictionis exercitio percipiet; Tunc iusta aderit causa, saltem vt suspicuum iudicem recusandi, ita vt de exceptione illa ad firmandam iurisdictionem suam cognoscere non possit: Quia sicuti in principali, ita etiam in accessorio seu incidente suspicio contra illum & recusatio locum habet. Quae de re videri potest Bartol.

in l. quidam consulebat, n. 3. & seqq. ff. de re iuridic. Perr. Ancharanus in c. si contra not. 3. de off. deleg. in 6. Felin. in cit. c. super literis n. 23. & seqq. Anton. in c. cæterum n. 9. de iudiciis. Abb. in c. venerabili, de censibus, & in cit. c. super literis n. 10. inquiens ibi; *Quando exceptio pariter concludit in incidente, sicuti in principali, non potest index cognoscere.*

Porro ex his infert Abb. in cit. c. cum super n. 10. in 4. casu; Si non agatur duntaxat de iurisdictionis exercitio, sed de proprietate, ac statu subiectionis; quia citatus ait se à iurisdictione exemptum ac liberum esse; quod index de hac exceptione ad fundandam iurisdictionem super causa principali cognoscere non possit; saltem efficaciter, & ita ut recusari nequeat; sicuti sentit Felin. in eod. c. super literis n. 24. Vide quo docui supra in c. cum ordinem, hoc tit. prope finem.

N O T A N D V M II. Si inter iudices per diuersa rescripta super eodem negotio delegatos, controversia orta componi non possit, vtra pars cognoscere debeat; nec pars vna alteri deferre velit; per arbitros ab utraque parte electos causa decidenda erit. Hoc est precipuum huius c. responsum, quod declarat P. Lud. Molina tract. 5. de iustit. disp. 31. n. 2. Appellantur autem hi arbitri iuris, seu ex legi prescripto ac necessitate constitueri. Alium casum habemus in c. si clericus 46. causa 11. q. 1. Si Episcopus cum Clerico dicēsis suæ contoversiam habeat, ad arbitros ab utraque parte eligendos recurrentum esse. Quia de re dicendum alibi. Alius casus est in c. suspicionis 39. de off. delegati. Sed & in similibus, quamvis in iure non expresis casibus, ad arbitrios configendum esse, putat Gl. in c. statutum 11. ver. copia, hoc tit. in 6. quam doctrinam examinat hic Felin. n. 1. & 2. Sic dixi lib. 1. Theol. moral. tract. 2. cap. 5. n. 26. Si supremi Principes inter se controversiam habeant, atque ea per transactionem componi non possit, communii partium consensu arbitrios esse eligendos, qui controversiam dirimant: Idque ex gentium iure, & naturalis rationis prescripto, cum superiorum non habeant, ad quem lis decidenda referri

queat. At verò iudices delegati, si de iurisdictione dubitent, Superiorum consulere possunt, saltem cum res moram patitur, ut collegi videtur ex c. 2. de offic. delegati. Quod & de ordinariis iudicibus, si inter eos de iurisdictione contentio oriatur, ad Superiorum referendam esse, tradit Felinus in c. super literis, n. 35. hoc tit. ex Angelo in l. 2. C. de ius vocando.

Q U A E R E S: Quomodo id fieri possit, vt ex diuersis ad diuersos iudices datis rescriptis non appareat, iuxta quod eorum rescriptorum iurisdictione competat, & processus instituti possit? Respondeo; cum Abb. hic n. 2. & seqq. Varias posse occurrere dubitrationes; & inter eas hanc, si rescripta diuersa aut contraria vna eadēque die data reperiuntur. Tum enim si per testes probari, aut alia ratione constare possit, vnum priore die hora datum esse, præferri id debet posteriori, prout docet Ioann. Andr. hic, Felin. n. 5. Zasius in l. 1. editiones, paulò post initium, ff. de edendo, qui addit, in instrumentis Notariorum horam etiam adiungi solitam esse. Plura de prioritate data inter duo rescripta videri possunt apud eundem Felin. cit. n. 5. & in c. capitulum, n. 14. hoc tit.

N O T A N D V M III. Circa ea verba, *quamplures sint*: Si causa communi consensu diuersarum partium, collegiorum seu corporum decidenda sit, non sufficit maiorem (absolutè loquendo) partem congregatorum consentire; sed necesse est, ut utrobique pars maior consentiat. Exempli causa, si utrobique sint quinque congregati, uniuersim autem decem; atque ex vna parte quatuor, ex altera autem duo consentiant, dici non potest consensus duorum collegiorum seu corporum: sed opus est, ut ex utruius parte minimum tres consentiant. Similiter, si tria corpora seu collegia ius eligendi aut præsentandi habeant; & vnum Collegium quod triginta personas complectitur, in aliquam personam consentiat; alterum, quod habet personas viginti, non consentiat; interior denique, quod habet etiam viginti personas, consentiat minor pars, vid. nouem duntaxat, non erit rata electio; quandoquidem

dem non adest maior pars eligentium, si elegentes non ut personæ singulares, sed collectiū sive ad corpora concurrunt. Quæ est doctrina Gl. fin. h̄ic Abb. n. 6. Felin. n. 8. §. Vbi duo corpora, pulchrè Anton. nū. 15. in fine, *Quando plura corpora, ut corpora, vniuntur ad expediendum actum, quodlibet corpus habet unam vocem integrā: quia attendit corpus, & non numerus personarum.* Idem tradunt DD. in c. scriptum 40. de elec. vbi Abb. n. 6. fūsē rem istam declarat.

S. Quoniam.

PARAPHRASIS.

Si alicui causæ cum generalitate absque personarum & rerum expressione delegatae fuerint, v.g. cognosce de iniuria hac Titio illata, & quibusdam aliis tibi ab eodem proponendis: hoc casu iudex delegatus iurisdictionem habet veluti in habitu, licet actu eam exercere non possit erga personas & res, antequam exprimantur. Quamobrem si ab eadem Apostolica Sede aliud postea rescriptum emanet, quo causa specialis contenta sub generalitate prioris rescripti aliis iudicibus demandetur, speciale hoc rescriptum derogat generali, tametsi de eo nullam faciat mentionem.

SYMMARIVM.

Iurisdictione delegata non datur in actu ante expressionem causarum, de quibus agendum; & personarum, contra quas agendum sit.

NO TANDVM I. Rescriptum ad lites speciale derogat priori generali, licet de eo mentionem non faciat: cūm sit generalis regula, quod species derogat generi. Dixi de hac re in cap. i. hoc tit. Excipiendum verò est: Nisi in priore generali dispositione posterioribus rescriptis forma prescribatur, vt in iis mentio seu clausula derogatoria ponatur, alioquin non derogetur, vti dixi in c. cūm Ordinem 6. hoc tit.

NOTANDVM II. Si iudici delegatio facta sit sine expressione personarum, aut causarum, iurisdictionem acquirit duntaxat in habitu; eamque prius exercere non potest, nisi expressæ fuerint causæ, de quibus agendum, & personæ, contra quas agendum. Ita Gl. h̄ic ver. iurisdictionem, & videri potest c. 2. de Libelli oblat.

CAPITVLVM XV.

Sedes.

PARAPHRASIS.

In primis præfatur Innocent. III. quod Sedes Apostolica exhibeat se liberalem postulantibus, quamvis alij eius gratiâ abutantur, quare ad horum malitiam impedientiam decernit, si in rescripto à Sede Apostolica impetrato personæ minores ac minus dignæ exprimantur, quæ in iudicio conueniri posint, adiectâ clausulâ indefinitâ. *Et quædam alia personæ, quod sub et non comprehendantur personæ maiores ac digniores, neque item multitudo personarum, sed summum 4. vti postea dicitur c. 2. eod. in 6.* Similiter si in rescripto res minores expressæ fuerint, adiectâ clausulâ, ut cognoscatur super his & aliis quibusdam, per eam non comprehenduntur cause grauiores seu maioris momenti. Denique ait, si quis in petitione personas expellerit, non quod cum ijs iudicio contendere velit, sed vt alias paris vel minoris conditionis personas, per adiectam clausulam, *Et quædam alias, conueniri possit, totum rescriptum irritum censendum esse, quia sua cuique fraus & dolus prodeſſe non debet.*

SYMMARIVM.

1. *Liberalitas est propria Principium.*
2. *Causæ vel negotia committi possunt vni, sine specifica eorum expressione.*
3. *Clausula generalis seu indefinita sub sequens ordinariè restringitur ad similia, que præcesserunt.*